



**Ytri-Neslöndum  
660 Mývatnssveit  
Íslandi**

**[www.fugasafn.is](http://www.fugasafn.is)  
[fugasafn@fugasafn.is](mailto:fugasafn@fugasafn.is)**

**Sími: 464 4477**

**Ársskýrsla 2016**



# Ársskýrsla 2016

---

## Efnisyfirlit

Formáli.....	- 3 -
Opnunartími .....	- 3 -
Stjórn og starfsfólk .....	- 3 -
Aðsókn.....	- 4 -
Húsnæði.....	- 5 -
Safnkostur .....	- 6 -
Skráningarkerfi .....	- 6 -
Varðveisla .....	- 6 -
Rannsóknir.....	- 6 -
Miðlun .....	- 8 -
Samstarfsaðilar .....	- 8 -
Önnur þjónusta .....	- 8 -
Rekstur .....	- 9 -
Mat á starfssemi.....	- 9 -
Næstu skref .....	- 9 -
Lokaorð.....	- 9 -



# Ársskýrsla 2016

---

## Formáli

Nú er áttunda heila rekstrarárið að baki. Það komu 10.589 gestir í safnið í ár sem er 18 manns fleiri en á síðasta ári sem er jákvætt.

## Opnunartími

Frá 1. janúar til 14. maí er opið frá kl. 14:00-16:00 alla daga.

Frá 15. maí til 31. maí er opið frá kl. 12:00-17:00 alla daga.

Frá 1. júní til 24. ágúst er opið frá kl. 9:00-18:00 alla daga.

Frá 25. ágúst til 31. október er opið frá kl. 12:00-17:00 alla daga.

Frá 1. nóvember til 31. desember er opið frá kl. 14:00-16:00 alla daga.

Svo er hægt að hafa samband og láta opna á öðrum tímum, í síma 464-4477 og 846-7245.

## Stjórn og starfsfólk

Safnstjóri og safnvörður er Stefanía Stefánsdóttir í hlutastarfi yfir vetrartímann og í fullu starfi yfir sumartímann. Stefán Jón Pétursson og Ragnheiður Diljá Káradóttir voru í fullu starfi yfir sumartímann sem safnverðir. Svo hefur Álfðís Stefánsdóttir hlaupið undir bagga þegar á hefur þurft að halda.

Launað vinnuframlag starfsmanna var 2171 klst. + bókhaldskosnaður. Þetta eru ríflega tvö og hálf ársverk sem er svipað og á síðasta ári.

### Í stjórn Fuglasafns Sigurgeirs sitja:

Álfðís Stefánsdóttir, formaður

Elín Steingrímsdóttir, varaformaður

Stefanía Stefánsdóttir, gjaldkeri og ritari

Jóhanna Rögnvaldsdóttir, meðstjórnandi

Axel Stefánsson meðstjórnandi

Aðalbjörg Stefánsdóttir, varamaður

Hanna Kristín Pétursdóttir, varamaður

## Aðsókn

Aðsóknin var aðeins meiri þetta árið eða sem nemur átján manns. Gestirnir komu frá 60 þjóðlöndum sem eru tveimur þjóðlöndum fleiri en í fyrra.

### Gestir eftir þjóðlöndum

<b>Þjóðland</b>	<b>Fjöldi</b>	<b>Þjóðland</b>	<b>Fjöldi</b>
Argentína	4	Austurríki	100
Ástralía	342	Bandaríkin	1640
Belgía	218	Brasilía	13
Chile	8	Danmörk	199
Dubai	2	Eistland	3
England	774	Finnland	35
Frakkland	826	Færeyjar	23
Guadeloupe	2	Gvatemala	3
Havái	15	Holland	512
Hong-Kong	58	Hvíta-Rússland	1
Indland	54	Indónesía	47
Írland	11	Ísland	2586
Ísrael	90	Ítalía	163
Jamaíka	3	Japan	29
Kanada	359	Kína	97
Kólumbía	3	Lettland	4
Litháen	6	Lúxemborg	7
Malasía	6	Malta	6
Mexíkó	16	Noregur	92
Nýja-Sjáland	20	Portúgal	12
Pólland	50	Rúmenía	4
Rússland	32	Singapúr	38
Skotland	22	Slóvakía	8
Slóvenía	17	Spánn	129
Suður-Afríka	3	Suður-Kórea	22
Sviss	393	Svíþjóð	144
Taíland	12	Tékkland	55
Tyrkland	4	Tævan	29
Ungverjaland	8	Úganda	1
Zimbabwe	2	Þýskaland	1227



# Ársskýrsla 2016

## Heimsóknir gesta eftir vikudögum.

Vikudagur	Fjöldi
Sunnudagar	1959
Mánudagur	1609
Þriðjudagur	1350
Miðvikudagur	1449
Fimmtudagur	1157
Föstudagur	1584
Laugardagur	1481

## Fjöldi gesta eftir vikum

Vika	Fjöldi	Vika	Fjöldi
Vika 1	4	Vika 27	662
Vika 2	3	Vika 28	623
Vika 3	26	Vika 29	661
Vika 4	0	Vika 30	636
Vika 5	1	Vika 31	623
Vika 6	51	Vika 32	554
Vika 7	23	Vika 33	439
Vika 8	30	Vika 34	317
Vika 9	17	Vika 35	232
Vika 10	125	Vika 36	231
Vika 11	28	Vika 37	266
Vika 12	46	Vika 38	134
Vika 13	28	Vika 39	196
Vika 14	72	Vika 40	101
Vika 15	162	Vika 41	53
Vika 16	176	Vika 42	66
Vika 17	97	Vika 43	68
Vika 18	58	Vika 44	19
Vika 19	67	Vika 45	27
Vika 20	444	Vika 46	44
Vika 21	361	Vika 47	28
Vika 22	289	Vika 48	22
Vika 23	456	Vika 49	9
Vika 24	570	Vika 50	14
Vika 25	646	Vika 51	16
Vika 26	712	Vika 52	54
		Vika 53	2

## Fjöldi gesta eftir mánuðum

Mánuður	Fjöldi
Janúar	35
Febrúar	105
Mars	237
Apríl	479
Maí	1029
Júní	2281
Júlí	2910
Ágúst	2024
September	948
Október	311
Nóvember	134
Desember	96



# Ársskýrsla 2016

---

## Húsnæði

Húsið er í ágætis ástandi. Það þarf að helluleggja fyrir framan hurðina á geymslunni og lagfæra kantana á veginum heim að safninu.

## Safnkostur

Safnkosturinn er um 330 uppstoppaðir fuglar, 500 egg og um 50 gripir í bátaskýli. Í sýningunni eru 180 fuglar, og 400 egg og allir munirnir í bátaskýli.

## Skráningarkerfi

Það er ekkert skráningarforrit til enn sem komið er fyrir náttúrugripi sem við vitum um. Við höfum skráð alla fuglana og eggin í Excel forrit og áætla ég að það sé um 40% af þeirri vinnu lokið.

## Varðveisla

Hitastýring er nokkuð góð bæði í geymslu og safnrými, þurfum að skoða kælingu á heitust dögum ársins. Öryggiskerfi og brunakerfi eru af fullkomnustu gerð og tengd beint við Securitas.

## Rannsóknir

Við erum í samstarfi við Náttúrurannsóknarstöðina við Mývatn í rannsóknarvinnunni okkar. Álftir eru taldar á hverjum mánudagsmorgni allt árið á Neslandavíkinni frá Raufarhól. Fyrstu Álftirnar komu 23. maí og voru þær þrjár. Frá 30. maí til 20. júní var ein álft á vikinni. Frá 20. júní til 15. ágúst voru sex álftir, tvær fullorðnar með fjóra unga. 22. ágúst voru átta álftir, eftir það voru bara tvær álftir til 14. nóvember, nema 12. september þá voru álftirnar fimm.

Til að fylgjast með flórgoðavarpinu var vatnsbakkinn genginn frá Raufarhól að túngarði við Syðri-Neslönd. Á þessu svæði verptu 3 flórgoðapör sem er fækkun um 16 hreiður frá síðast ári. Voru tvö af þessum hreiðrum heima við túngarð í Syðri-Neslöndum en eitt við Valþjósnes vestan við vík. Það var ekki gengið varp í hólmunum í Neslandavík þetta vorið. Ísinn fór af vatninu 28. maí sem er í seinna lagi.





# Ársskýrsla 2016

---

## Miðlun

Það eru tvær sýningar, önnur er með fuglunum og eggjunum en hin sýningin er með bátnum Sleipni og ýmsum munum sem tengjast vatninu og nýtingu þess. Það er búið að koma sýningunni í bátaskýlinu á sjö önnur tungumál. Það hefur verið útbúið mjög gott fræðsluefni um fugla fyrir skóla frá leikskólastigi og upp í framhaldsskóla. Aðeins fækkun var á skólahópum þetta árið, sem komu í safnið til að fræðast um fuglana og náttúruna. Margmiðlunarefni um allar endurnar, fálkann, suma smáfuglana, safnið, fuglaskoðun og kúluskítinn er klárt og hefur vakið mikla lukku. Hinsvegar þarf að halda áfram og klára þegar fjármagn finnst til þess. Við gefum út bæklinga á átta tungumálum. Svo höldum við úti heimasíðu og erum með facebook síðu á sumrin. Rannsóknarniðurstöður eru birtar á heimasíðunni og voru líka sendar til Náttúrurannsóknarstöðvarinnar við Mývatn til frekari úrvinnslu

## Samstarfsaðilar

Allar okkar rannsóknir eru gerðar í samstarfi við Náttúrurannsóknarstöðina við Mývatn. Faglegar upplýsingar um fugla og náttúruna fáum við hjá Jóhanni Óla Hilmarssyni fuglafræðingi og Náttúrustofu Norðurlands. Haförninn á safninu er fenginn að láni hjá Náttúrufræðistofnun Íslands. Við erum aðilar að Fuglastíg sem er samstarfsvettvangur aðila í fuglatengdri ferðaþjónustu. Erum einnig aðilar að Markaðsskrifstofu Norðurlands, Mývatnsstofu og Safnaþingi sem er samstarfsvettvangur safna í Þingeyjarsýslu.

## Önnur þjónusta

Við erum með fuglakíki í veitingasalnum sem vekur mikla ánægju gesta enda gaman að horfa á fjölbreytt fuglalífið fyrir framan safnið. Nú eru komin upp þrjú fuglaskoðunarhús eru þau við Raufarhól, Kýrhóla og Kálfstjörn. Við höfum fuglabækur á staðnum fyrir gesti svo þeir geti fræðst um fuglana og áttað sig á því hvaða fuglar eru út á víkinni. Við seljum kaffi af ýmsum gerðum og svo brauð á þjóðlegu nótunum, hverabakað rúgbrauð með reyktum silungi, flatbrauð með hangikjöti, vöflur með sultu og rjóma bakaðar á staðnum, kleinur o.fl. Einnig er á boðstólum gos, súkkulaði, bjór, léttvín, ávaxtadrykkir o. fl. Fuglatengdir minjagripir eru til sölu hjá okkur. Við veitum ráðgjöf eins og við getum til fuglaskoðunar, hvenær og hvar er líklegt að finna ákveðna fugla. Allar fuglategundir sem sjást á svæðinu þann daginn eru skráðar á töflu á safninu svo gestir geta séð hvaða fugla þeir eigi möguleika á að sjá. Að dagslokum eru upplýsingarnar skráðar inn í töflu og þannig verður til gagnabanki um hvaða fuglar sjást og hvenær á svæðinu.





# Ársskýrsla 2016

---

## Rekstur

Rekstur safnsins gekk ágætlega á þessu ári en það komu 18 manns fleiri enn á síðasta ári. Rekstrartekjur án VSK., voru 11. 454.104 kr sem er hækkun um 775.526 kr. Rekstrargjöldin skiptast þannig, laun og launatengd gjöld 5.582.101 kr ( sem er hækkun um 508.486 kr) og annar rekstarkosnaður 4.130. 224 kr ( sem er lækkun um 568.635 kr). Af hreinum rekstri og styrkjum var hagnaður upp á 2. 072.593 kr.

## Mat á starfssemi

Gestir eru mjög ánægðir þegar þeir fara frá okkur og hæla safninu í hástert. Það er mikil viðurkenning þegar fólk kemur til okkar og segist engan áhuga hafa á fuglum en dvelur svo jafnvel klukkutímum saman inni í safninu. Þetta segir okkur að safnið er mjög áhugavert og vel uppsett. Sýningin í bátaskýlinu vekur líka mikla athygli og lof. Við erum með upplýsingar um hana á sjö tungumálum auk íslenskunnar, það væri gaman að geta bætt við einu tungumáli í viðbót. Það sem komið er af margmiðlunarefninu vekur mikla athygli og eru gestir mjög ánægðir með þessa fræðslu. Það þarf að halda áfram að finna fjármagn til að klára margmiðlunardæmið. Myndavélin í Strókhólma hefur líka vakið athygli og er mjög vinsælt að horfa á lífið á vatninu. Nú er komin betri nettenging og þá opnast möguleiki að senda beint út á netið. Það gæti aukið áhuga fólks á safninu. Það eru skráðir allir fuglar sem sjást þann daginn á töflu og svo á hverju kvöldi eru þær upplýsingar skráðar inn í tölvu. Það verður fróðlegt að rýna í þann gagnagrunn í framtíðinni og sjá hvaða fuglar sjást hér.

## Næstu skref

- Finna fjármagn og halda áfram með margmiðlunarefnið.
- Gera heimasíðuna aðgengilegri.
- Klára að helluleggja fyrir framan geymsluna.
- Vera virkari á facebook.
- Koma skráningarmálum safnmuna í betra horf.

## Lokaorð

Það voru margir sem efuðust um að það væri mögulegt að reka Fuglasafn í Neslöndum. Með því að vinna faglega að uppbyggingunni erum við með stórkoslegann hlut í höndunum, hús sem er algjört listaverk og náttúrugripasýningu á heimsmælikvarða. Frábærar staðsetningu þar sem hægt er að fylgjast með lífinu á vatninu beint úr safninu. Gestir eru mjög ánægðir með sýninguna, veitingarnar og umhverfið. Ef rétt er haldið á spilunum með þessa vöru þá á að vera hægt að reka safnið þannig að það standi undir viðhaldi og rekstri hjálparlaust.

---

Stefanía Stefánsdóttir

---

Ytri-Neslöndum. 660 Mývatnssveit. Kt. 521107-0300. [www.fuglasafn.is](http://www.fuglasafn.is) Sími 464-4477